

敬信課心錄彙集卷二

淨手檢閱
慎勿污穢

道光二十九年敬鐫

經傳感應洵神奇展卷先
期敬慎之盡信修持良厚
幸如疑轉送也相宜

謹勸諸惡莫
作衆善奉行

敬信課心錄彙集

每當持誦務堅誠凜若諸

慈善堂芝山

神在上衡口念心馳尤冒

讀躬行力體始圖成

氏蘭閣虔撰

敬信課心錄彙集卷二

盛京廟白旗德昭蘭閣敬輯

彭義發
書凌阿校訂

文昌帝君救劫寶章

真君曰吾道德圓通久證真位茲以劫運可念遂
願救度衆生壬申歲七月七日時西晉懷帝永嘉
六年琅輿羽軒麟車鳳駕玉童玉女神將天
兵樂隊旌旗百萬引從侍衛森列音樂震天蒙
天帝令為太元無上上德真君同中書門下平章
事上主三十三天仙籍中主人間壽夭禍福死

生貴賤下主十八重地獄輪迴拜命訖空中大
震七聲天旋地轉我以劍一指天地停車日月
停軸頃刻間紫雲上衝黑氣盤結有二童子以
善惡簿進曰寅卯而後劫運可駭承旨預定善
惡敢以簿進投閱善簿得忠孝功德陰隲修行
者若干人閱惡簿得十惡五逆臣民官吏士農
工商僧道雜流為惡若干人我愍劫運之臨世
人造惡無有窮已今遣十惡大魔三百萬飛天
神王三百萬神兵神將一千六百萬以五道雷

神主之收取惡人又大風大雨大水大火大疫
並作以收惡人用充劫運罪罰不遠深可哀憐
我今為度脫衆生私露天機畧具善惡簿中曾
有功過者以為生人警戒今勸世人每日侵晨
持誦救劫章陰騭文并

太上感應篇一遍以消罪愆

持誦者要人以善惡
自反知法知戒故能

消罪愆非徒
口誦之已也

先當遵此六章修行虔持念

聖號靈篇得以感應如此則自然福祿無量子孫

榮昌金車八門仕宦卿相若不遵此六事修行

徒口誦經欲免罪愆名曰瀆天其罪尤重愈不
可解我今降下此經流傳於世

七曲帝君亦屢頒降所在以三千神兵衛之其有
誦讀此經而不信受與前信受後有悔心者仰
飛天大神即時收取以充劫數如有秘藏此經
而不傳者其罪惟均各宜省悟

天下通行警戒章第一

此章雖通行警戒而士尤四民

之首官尤百姓之宗更當敬凜

真君曰。哀哉。今世之人。子不孝於親。弟不敬於兄。下不順於上。婦逆於舅姑。弟子凌師。長士虧實行。官恣貪謀。農趨末作。工競浮華。僧道誑俗。自毀真教。罪罰不遠。深可哀憐。各宜遵我警戒。勇猛修行。以逃劫運。

天下通行孝感章第二

真君曰。人之立身。以孝為本。

天下通行士行章第三

真君曰。吾一十七世為士大夫。未嘗虐民酷吏。今人衣冠紛紛。日讀其書。持其文章。而行已法度。孝行陰功。略不加意。或兄弟分爭。或宗族相毀。或夫妻反目。或父子憎嫌。或倚恃富勢。而欺凌小民。或矜恃才能。而欺侮前輩。或口頌佛老。而薄於父母。或貌

敬天地。而中萌欺詐。或教人爭訟。而破散人家。或巧言妄語。而助人之過。或破人婚姻。或誹謗同類。或播人是非。或埋藏陰毒。此等罪犯。難可鮮雪。倘或面心。庶可免咎。

天下應世日用章第四

真君曰。凡今之人。毒惡殘忍。巧詐不常。難為指名。姑示一二勸戒。

天下通行官守章第五

真君曰。士之居官。以忠為先。今世大異。上而
卿相。下而一命。賄賂公行。公道不立。

皇天震怒。何況侵民膏血。自肥一家。扼民禁
喉。自謀進取。不公不法。不仁不義。決一勝
於目前。結無窮之冤業。劫數來時。福力盡
處。果報昭彰。若速悔心。猶可免戾。故顯官
子弟。多不振。勢宦之家。多破殘。上天之報
昭然。人苦不自覺耳。

天下通行道釋章第六

真君曰。僧道出家。名為離業垢。今世可駭。纔入道場。逆料施利之多少。加減法事。或醉酒飽肉。或畜妻私寮。穢德彰聞。有負上聖救世之心。如此等類。歷劫不赦。

救劫章靈驗紀

二章孝感紀事

東京趙居先父年九十一歲母年九十四歲性皆嚴急居先夫婦侍奉勤謹孝行克諧每夕焚香為父母祈禱三尸神上奏天遣飛天大神逐日監察見其心專意一孝行動天七子三壻皆列殊科居先身證仙果

茂州黎瓊棄父貧淫酒色三年淹母殯者五載被雷焚之徽州李氏女名善瑜適葉元贊長子年三十自十八侍舅姑極孝家貧已雖飢寒凡飲食不敢嘗啖以奉舅姑舅姑病甚家貧不能召醫自為祈禱天地願以身代舅姑適遇三官巡察空中聞之奏聞玉帝奉旨加其舅姑壽一紀仍賜錢八十萬注名祿籍二子賜品官後一歲一旦門未啓忽見所上

金玉滿堂變易果得錢八十萬其鄰居秦氏女年二十恃其長舌抵觸舅姑李氏常勸之而不聽李氏受錢日秦氏為雷火焚燒善惡之報昭然可畏

三章士行紀事

衢州范元之素貧盛夏浴江拾得金銀一袋於岸歸謂其子曰世人以財為命萬一此人失此自經於溝壑枉喪性命翌日父子携於岸待之果見一婦悲號而至元之詰其故曰夫坐獄當死易田得銀至此失之元之即以還之婦與分亦不肯受既而鄉里多薄之謂其不能經營生理空自守貧元之笑而不答次年父子登第至令十二世為二千石

瀘州李捷先才高自為第一以兄弟參商好毀人婚姻發人

私家遂降其籍

信州林茂先才高過人已捧鄉書家極貧閉戶讀書鄰家巨富婦厭其夫不學私慕茂先才名夜奔之茂先呵之曰男女有別禮法不容天地鬼神羅列森布何可以此污我婦慙而退茂先次舉登第二子皆登第見聞者各宜悔改

四章日用紀事

杭州王用先家貲百萬置大小二斗大小二秤較量出入以欺陷人止及十年遭禍被刑家財破散子孫作丐

福州福清縣文紹祖與柴公行議親既問名柴女忽中風紹祖欲更之其妻大怒曰我有兒當令其順天理自然久長悖禮傷義是為速禍大斥紹祖即娶柴女歸次年紹祖子登第柴女風亦痊生三子皆登第

何元溫與趙明夫議姻已定而趙女失明家計寥落元溫易

其親與軍子文為姻次年父子俱喪明趙女適士人葉惟先
惟先登第三典大郡

隋州孫仲可欺奪寡婦之田繼與通奸中年盲聾子孫齟齬
建州楊進多廣田園百計吞併交易不明至少子鍾仲不肖
三年破敗蕩盡拘惡簿

元秀家財四十萬止生四子其餘諸妾所出不問男女並痊
埋之一日夢中見數十輩乘追殺人賊元秀大驚起兩手兩
足已為牛蹄展轉於床大叫三日頭斷而死陰府申聞天曹
帝大怒曰性根不壞方得人身天神誦章始離母胎愚人
不禁情慾嬰兒有何罪愆揆以正條倍於故殺殺人償命理
所應然天曹牒下陰府判斷元秀受罪外拘囚地獄在生四
子注籍刑名四十萬財沒入官府近者四方奏牘類此者衆

下鄧都別置一籍收錄此等名字差北方飛天神王統領神
兵巡行天下有似此者即許便宜行事不待事終赴十獄考
鞫帝君曰人子不孝自有天條誅戮無罪殺兒是殺天下
人民也故元秀身墮地獄四子犯刑家財沒官且人厭多兒
何不節慾乃敢殺人不顧今世如元秀者何地無之我觀鄧
都城中以此受罪者不可勝數各宜省悟不可自取天譴若
元秀永囚地獄萬劫受罪子孫受刑可不悲夫禍福無門惟
人自召

五章官守紀事

葉知遠知嵐谷縣壽限將終其春知遠之子與一巨室同謀
私受財物妄入人罪誣以劫掠其勢炎々罪及千家知遠覺
其情并其子申於朝力為明辨遂免千家之罪城隍申奏知